

Vischnaunca da Breil

# Reglament dalla biblioteca popolare e da scola dalla vischnaunca da Breil

1990

---

Art.	1	Num e purtadra	4
	2	Intent	4
	3	Purschida	4
	4	Tecnica da biblioteca	4
	5	Organisaziun	4
	6	La cumissiun da biblioteca	4
	7	Il caubibliotecar	5
	8	Bibliotecars auxiliars	5
	9	Biblioteca dalla sparta da scola	6
	10	Utilisaders	6
	11	Uorden da diever	6
	12	Finanzas	6
	13	Instanzas da recuors	7
	14	Instanzas professiunalas	7
	15	Vigur legala determinaziuns transitoricas	7

Num e purtadra	<p><b>Art. 1</b> Purtadra dalla biblioteca populara e da scola ei la vischnaunca da Breil.</p>
Intent	<p><b>Art. 2</b> La biblioteca survescha all'informaziun, alla tgira dalla cultura, alla formaziun, al prudent passatemp per carschi ed affons. Ella porchia cudischs ed ulteriurs mediums en adatadas localitads dalla casa da scola a Danis, sco biblioteca principala ed era ella nova casa da scola da Breil-vitg sco biblioteca auxiliara. Ella ei center da sentupada enten arranschar occasiuns specialas ed enten esser sufficientamein aviarta per nossa populaziun sco era a nos hosps.</p>
Purschida	<p><b>Art. 3</b> La purschida duei esser multifara cun ina grondezia sufficiente e cumpegliar ils differents camps e vegn da temps en temps adadata als basegns.</p>
Tecnica da biblioteca	<p><b>Art. 4</b> La sistematica, presentaziun e registraziun sedrezza suenter la tecnica da lavur proponida dalla cuminonza da lavur federala per bibliotecas popularas.</p>
Organisaziun	<p><b>Art. 5</b> Ils organs/utensils pil menaschi dalla biblioteca secumponan ord:</p> <ul style="list-style-type: none"> <li>- quest reglament</li> <li>- la cumissiun da biblioteca</li> <li>- uorden da menaschi</li> <li>- carnet da pensum</li> <li>- uorden da salarisaziun.</li> </ul>
La cumissiun da biblioteca	<p><b>Art. 6</b> La cumissiun da biblioteca vegn elegida entras il cussegl da vischnaunca. Ella secumpona ord 5 commembers ils quals serecruteschan ord:</p> <ul style="list-style-type: none"> <li>- 1 representant(a) dil cussegl da scola</li> <li>- 1 representant(a) dils scolasts</li> <li>- 1 representant(a) da Breil-vitg</li> <li>- 1 representant(a) da Dardin</li> <li>- 1 representant(a) da Danis-Tavanasa.</li> </ul>

Il caubibliotecar dalla biblioteca da Danis sco era quel da Breil-vitg assistan ella cumissiun cun vusch consultativa.  
Il caubibliotecar vegn tschercaus dalla cumissiun ed elegius dalla suprastanza communal sin protesta dalla cumissiun.  
La cumissiun seconstituescha sesezza enten eleger in president ed actuar.

#### **Pensum dalla cumissiun**

La cumissiun agescha sur ils suandonts secturs:

- survigilanza da tuts affars dalla biblioteca
- tscherca il caubibliotecar
- propona l'elecziun dil caubibliotecar per mauns dalla suprastanza communal
- elegia ils gidonters auxiliars dalla biblioteca
- relai igl uorden da menaschi dil bibliotecar e ses gidonters
- relai il carnet da pensums dalla biblioteca
- propona in uorden da salarisaziun per mauns dalla suprastanza
- propona annualmein il preventiv dalla biblioteca per mauns dalla suprastanza communal
- procura per l'execuziun dalla paga entras l'administraziun pil caubibliotecar e ses gidonters
- prepara tuttas petiziuns per mauns dalla suprastanza communal
- informescha tuts gremis cumpatents en fuorma d'in rapport annual.

La lavur dalla cumissiun vegn buca indemnizada.

#### **Art. 7**

Il caubibliotecar ei responsabels pil menaschi dalla biblioteca. El vegn elegius dalla suprastanza communal. El pren part allas sedutas dalla cumissiun cun vusch cusseglianta e dretg da far propostas. Ses pensums ein circumscrets el carnet da duers. El sestenta per in'andanta formaziun persunala ed ha l'incarica dad instruir ses gidonters. El collaborescha cul scolast responsabel per la sparta dalla biblioteca da scola. La salarisaziun dil caubibliotecar succeda tenor uorden da salarisaziun.

Il caubibliotecar

#### **Art. 8**

Per ademplir sia lavur sa il bibliotecar sesurvir da gidonters cun consentiment dalla cumissiun. Ils bibliotecars auxiliars stattan tenor turnus en acziun duront las uras d'avertura dalla biblioteca

Bibliotecars auxiliars

populara e per lavurs enteifer la biblioteca. Ils gidonters vegnan salarisai tenor uorden da salarisaziun.

**Art. 9**

Biblioteca dalla sparta da scola

Per la sparta da scola dalla biblioteca porta in(a) scolast(a) la responsabilidad. Quella persuna sa, sto denton buca esser identica cun il caubibliotecar. Il pensum dil (dalla) scolast(a) responsabel(a), (Danis e Breil) per la biblioteca da scola ei ina part integrala dil pensum da scolast e vegn buca indemnisaus.

La biblioteca sto esser duront il temps da scola aviarta per tuttas classas e scoletta per possibilitar lavurs ed instrucziun da gruppas. Igl emprest da cudischs dils affons reglescha igl uorden da diever. Per singulas acziuns ed animaziun da leger duei mintga scolast saver retrer ina collecziun da cudischs en sia stanza da scola.

**Art. 10**

Utilisaders

Mintga vischin da nossa vischnaunca sco era hosps han il dretg da far diever dalla biblioteca, aschinavon ch'els secuntegnan tenor igl uorden da diever.

**Art. 11**

Uorden da diever

Igl uorden da diever regla il traffic denter igl utilisader e la biblioteca e vegn tschentaus si dalla cumissiun da biblioteca ed approbaus dalla suprastanza communal.

**Art. 12**

Finanzas

**Entradas:**

Las entradas per la biblioteca seresultan ord:

- credits annuals dalla vischnaunca politica tenor preventiv
- taxas d'utilisaziun
- contribuziuns cantunales e federalas
- donnaziuns privatas e dad instituziuns

**Expensas:**

Las expensas seresultan ord:

- cuosts da personal
- innovaziun dil sortiment
- cumplettaziuns d'indrezs
- cuosts da material e manteniment
- cuosts da promoziun

- cuosts da referents
- cuosts da scolaziun dil personal.

**Meinaquen:**

Il quen dalla biblioteca vegn administraus entras l'administraziun communal, presentaus alla cumissiun ed approbaus dalla suprastanza communal.

**Art. 13**

En cass da dispeta ei l'emprema istanza

Instanzas da recuors

- la cumissiun da biblioteca per ils utilisaders dalla biblioteca
- la suprastanza per il caubibliotecari e commembers dalla cumissiun.

**Art. 14**

L'istanza professionala ei la cumissiun bibliotecara cantunala.

Istanza professionala

**Art. 15**

La grappa da lavur elegida dil cussegl da scola sco era ils collaboraturs interessai s'annunziai a caschun dalla publicaziun el fegl official per ina biblioteca populara e da scola, agescha el senn dalla cumissiun entochen ch'il cussegl da vischnaunca ha elegiu la cumissiun da biblioteca.

Vigur legala determinaziuns transitoricas

Quei reglament entra en vigur cun l'approbaziun dil cussegl da vischnaunca. El sa da tut temps vegnir midaus parzialmein ni totalmein sin giavisch dalla cumissiun ni dil cussegl da vischnaunca entras il cussegl da vischnaunca.

Approbaus dil cussegl da vischnaunca ils 12 da december 1990.

**En num dil cussegl da vischnaunca:**

Il president: *Primus Carigiet*

Il vicepresidente: *Tarcisi Livers*

**En num dalla suprastanza communal:**

Il president: *Augustin Cathomen*

Igl actuar: *Fridolin Cahenzli*